

## ქალაქ ფოთის მუნიციპალიტეტის მერთან გამართული თათბირის

### ოქმი

6 ივნისი 2022 წელი

თათბირს ესწრებოდნენ: მერი ბექა ვაჭარაძე, მერის პირველი მოადგილე დავით კვიციანი, მერის მოადგილეები მამუკა პაპასკირი და ლექსო თოდუა, ქალაქ ფოთის მუნიციპალიტეტის პრიორიტეტების დოკუმენტის მოსამზადებელი სამუშაო ჯგუფის წევრები.

#### დღის წესრიგი:

ქალაქ ფოთის მუნიციპალიტეტის 2023-2026 წლების პრიორიტეტების დოკუმენტის მომზადებასთან დაკავშირებით გასატარებელი ღონისძიებების შესახებ.

**მომხსენებელი:** ქალაქ ფოთის მუნიციპალიტეტის მერიის საფინანსო-საბიუჯეტო და შესყიდვების სამსახურის უფროსი ვასილ თოდუა.

ქალაქ ფოთის მუნიციპალიტეტის მერიის საფინანსო-საბიუჯეტო და შესყიდვების სამსახურის უფროსმა ვასილ თოდუამ თათბირის მონაწილეებს გააცნო ქალაქ ფოთის მუნიციპალიტეტის მერის 2022 წლის 1 ივნისის №42.422215215 ბრძანებით დამტკიცებული ქალაქ ფოთის მუნიციპალიტეტის 2023-2026 წლების პრიორიტეტების დოკუმენტის მომზადების მიზნით მუნიციპალიტეტის შიდა საბიუჯეტო კალენდრით განსაზღვრული აქტივობების მიმდინარეობა და აღნიშნა, რომ პრიორიტეტები უნდა დახარისხდეს, რისთვისაც აუცილებელია სიტუაციური ანალიზისა და მოქალაქეთა კვლევის შედეგების გათვალისწინება.

მომხსენებელმა სამუშაო ჯგუფს გააცნო ქალაქ ფოთის მუნიციპალიტეტის მერის წარმომადგენლების (უბნების მიხედვით) მიერ წარმოდგენილი მოქალაქეთა კვლევის შედეგები.

მოქალაქეთა აზრით, მომავალ წლებში, პრიორიტეტული სფერო კვლავ სოციალური სფეროა. ასევე, მიზანშეწონილად თვლიან საგზაო ინფრასტრუქტურის მოწესრიგებას, ახალი გამწვანების ზონების შექმნას, ეზოების კეთილმოწყობას, ტურიზმის განვითარებას, მალთაყვის ბავშვთა პარკის პროექტის განხორციელებას, წყალგადამქაჩი სატუმბების გამართული ფუნქციონირებას.

აზრი გამოთქვას: ქალაქის მერმა ბექა ვაჭარაძემ, მერის მოადგილეებმა დავით კვიციანიმა, მამუკა პაპასკირმა, ლექსო თოდუამ და ჯგუფის წევრებმა ქალაქში განსახორციელებულ პროგრამებთან დაკავშირებით. გამოიკვეთა ის პრიორიტეტული სფეროები, რომლებშიც ადგილობრივმა თვითმმართველობამ მომავალში უნდა გააუმჯობესოს მომსახურების მიწოდება.

თათბირი შეაჯამა ქალაქ ფოთის მუნიციპალიტეტის მერმა, ჯგუფის თავმჯდომარემ ბექა ვაჭარაძემ. მერის შენიშვნებისა და შეფასების საფუძველზე, სამუშაო ჯგუფის წევრებზე გაიცა დავალებები.

#### დაადგინეს:

1. 2022 წლის 25 ივნისამდე საბიუჯეტო ორგანიზაციებმა, საფინანსო-საბიუჯეტო და შესყიდვების სამსახურთან და დარგის კურატორებთან შეთანხმებით, მოამზადონ და წარუდგინონ საფინანსო-საბიუჯეტო და შესყიდვების სამსახურს პროგრამის/ქვეპროგრამის შესახებ ინფორმაცია, ბრძანების მე-3 და მე-4 დანართების შაბლონის შესაბამისად.
2. სამუშაო ჯგუფის მომდევნო შეკრება დაიგეგმოს 2022 წლის 15 აგვისტოს. საფინანსო-საბიუჯეტო და შესყიდვების სამსახურმა საქართველოს ფინანსთა სამინისტროდან 15 ივლისს მიღებული ძირითადი პარამეტრების გათვალისწინებით, წარმოადგინოს სამუშაო ჯგუფთან ერთად მომზადებული პრიორიტეტების დოკუმენტის პირველადი ვარიანტი.

ქალაქ ფოთის მუნიციპალიტეტის მერი



ბექა ვაჭარაძე